



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Capvt XX. Ecclesisticvs Pvblico Ac notorio vacare debet crimine.

urn:nbn:de:hbz:466:1-42349

Sacerdotes S. Trinitatis instrumentum. cerdos solius Dei donum est; & ubi humanam exercet sapientiam, minor illius gratia apparet. Neg, hoc dico, ut pigrius uiuamus, sed ne pigre, qui vobis prepositi sunt, uiuentibus, vos his commissi aliquando mala vobis comparetis. Et quid Sacerdotes dico? Neg, Angelus, neg, Archangelus quicquam in his quæ à Deo data sunt efficere potest: sed Pater, & Filius, & Spiritus sanctus omnia facit. Sacerdos & linguam & manus præbet, neque enim iustum est, propter alicuius malitiam ad salutem nostram accedentes offendi. Quibus omnibus consideratis, & Deum timeamus, & eius sacerdotes maiorem in modum reueremur, ut & nostris operibus, & illis honore exhibito à Deo multam accipiamus remunerationem, gratia & benignitate Domini nostri Iesu Christi, cum quo Patri gloria, simul & Spiritui sancto in secula seculorum, Amen.

CAPVT XX.

ECCLESIASTICVS PVBLICO AC
notorio vacare debet crimine.

Immane sacrilegium indignos ac ineptos promouere ad sanctos ordines §. Clerici non sint grauiore flagitio vel scelere cõtaminati, non tristiore nota insigniti aut aliqua infamia aspersi. Tit. 1. v. 6. 7. Si quis sine crimine est. Oportet sine crimine esse, sicut Dei dispensatorẽ, 1. Tim. 3. v. 10. Diaconi ministrent nullum crimen habentes. Nam ut ait Dominus Matth. 5. v. 13. Si sal euauerit, in quo salietur? ad nihilum valet ultra, nisi ut mittatur foras & conculcetur ab hominibus. Et rursum Matth. 6. v. 23. Si lumen quod in te est, tenebra sunt, ipsa tenebra, quantæ erunt.

Qualis crimine à S. ordinibus reiciendũ. §. Apostolus 1. Timoth. 5. v. 22. Manus cito nemini imposueris, neg, communicaueris peccatis alienis. S. Hieron. in cap. 58. Isaie. Non enim, inquit, peccatum leue mittere margaritas ante porcos, & dare sanctum canibus Matth. 7. v. 6. & ordinationem clericatus, nequaquam sanctis & in lege De: doctissimis, sed affectis suis tribuere, & vilium officiorum

mini.

ministris, quodq; his dedecorosius est; muliercularum precibus. In quo consideranda loquentis in se Christi Apostoli sapientia, qui ut ordinationis periculum demonstraret, iunxit tormenta peccantium: Neq; communicaueris peccatis alienis. Sicut ergo in ordinationibus malorum particeps est peccatorum, qui tales constituit, sic in ordinatione Sanctorum particeps est eorum iustitia, qui bonos elegit.

§. Sanctus Hieronymus in Comment. cap. i. Epistolæ Titianæ rursus suggillat eos, qui indignos ad sacros promouent Ordines vel beneficia & dignitates Ecclesiasticas. Moyses amicus Dei, cui facie ad faciem Deus locutus est: potuit utiq; successores principatus, filios suos facere, & posteris propriam relinquere dignitatem, sed extraneus de alia tribu eligitur Iesus, ut sciremus principatum in populos non sanguini deferendum esse, sed vitæ. At nunc cernimus plurimos hanc rem beneficium facere, ut non querant eos, qui possunt Ecclesia plus prodesse, & in Ecclesia erigere columnas: sed quos vel ipsi amant, vel quorum sunt obsequiis delinuti, vel pro quibus maiorum quispiam rogauerit, & ut deteriora taceam, qui ut clerici fierent, muneribus impetrarunt.

§. Sed ad Apostolum vetantem quemque inconsideratè iubitò, temerè sine diligenti vitæ doctrinæq; exploratione ordinari reuertamur. S. Chrysostomus hom. 16. in 1. Timoth. Quid, inquit, sibi vult cito? Non ex prima statim probatione, nec secunda, nec tertia, sed ubi consideratio diuturna præcessit, exactissimaq; discussio, huic imposito manus. Neque enim ea res periculo caret, eorum enim quæ ille peccauerit, tu quoq; pœnam dabis.

§. Illustre huius rei, quod non nisi sapientia & virtute egregius sit ordinandus, exemplum dabo, quod habet S. Antoninus in summa p. 3. t. 20. c. 2. §. 1. & mutuatus est ex præto spiritali Ioannis Moschi. cap. 194. & est apud

apud Baron. tom. 6. Annal. Anno 461. numer. 6. Cum descenderet, ait Abbas Amos Ierosolymam & Patriarcha ordinatus esset, venerunt omnes monasteriorum eremi Abbates, ut adorarent eum, inter quos affui & ego cum Abbate meo: cepitq; Patriarcha dicere Patribus: Orate pro me Patres, nam magnus onus & intolerabile mihi iniunctum est; Sacerdotiūq; dignitas Apostolicū me terret immodice. Petri n. & Pauli & similiū est, regere rationis n. nobiles animas. Ego infelix peccator sum. Plus autem, quam caram gerere tera, timeo ordinationum sarcinam: nam inueni scriptum, q; animarum. beatissimus & equalis Angelis Papa Leo per quadraginta dies perseverauerit ad sepulchrum Apostoli Petri, vigiliis, & orationibus insistens petensq; ab Apostolo, ut pro se apud Deum intercederet, ut dimitterentur sibi peccata sua. Impletisq; diebus quadraginta apparuit ei Petrus Apostolus, dicens: Oraui pro te, & dimissa sunt tibi peccata, praterquam impositione manuum: hoc enim a te solum requiritur siue bene siue fortassis aliter egeris.

§. Quod autem hic dicitur, quædam peccata dimissa, quædam non, intelligatur quoad pœnam, non quo ad culpam: impium enim esset dimidiam a Deo veniam sperare, cuius perfecta sunt opera. S. Thomas part. 3. q. 86. artic. 3. Illis ergo remanebat S. Leo delictorum pœnis obligatus, quæ illi perpetrassent, qui ab eo indigni ad ordines promoti fuissent. Leone quis sanctior, atq; prudentior, ut tantum periculum liber transiliat?

Ordinatus diu multumq; probandus. §. Nulla igitur ratione criminis ad S. Ordines admittit Apostolus. Hinc & Hormisdæ Pontifex epistola ad Hispan. Episcopos, & habetur distinct. 61. cap. 2. In Sacerdotibus eligendis vel ordinandis curam oportet esse perspicuam. Irreprehensibiles esse conuenit, quos præesse necesse est corrigentibus. Vacare debet culpa paratus in alium dicere. S. Ioannes Chrysostomus hom. 2. in Titianam epistolam. Sine crimine, hoc est, ait, si vita illius omnis immunis a culpa, si mores eius nemo carpere poterit.

S. Aug.

§. S. August. tract. 41. in Ioannem, & habetur dist. *Quale cri-*
 81. cap. 1. Apostolus Paulus, ait, quando elegit ordinandos vel *men è sacris*
 Presbyteros, vel Diaconos, & quicumq; ordinandus est ad præ-ordinib. re-
 posituram Ecclesia non ait: Si quis sine peccato est: hoc enim si iiciendū
 diceret, omnis homo reprobaretur, nullus ordinaretur. Sed ait:
 Si quis sine crimine est. Sicut est homicidium, adulterium, a-
 liqua immunditia fornicationis, furtum, fraus, sacrilegium &
 cetera huiusmodi. Et rursum lib. 1. contra Epistolas Pelag. c.
 14. Nullus ait S. August. in Ecclesia rectè posset ordinari mini-
 ster, si dixisset Apostolus. Si quis sine peccato: vbi ait, si quis si-
 ne crimine est. Aut si dixisset nullum peccatum habentes, vbi
 ait nullum crimen habentes. Multi quippe baptizati fideles sunt
 sine crimine, sine peccato a. in hac vita neminem dixerim. Cri-
 minosus Clericus 1. de honestamentum est Deo, 2. sui
 gradus & ordinis labes ac cœnū. 3. Ecclesiæ dedecus.
 4. familiæ probrum. 5. populi offendiculum. 6. dæmo-
 nis ludibrium. 7. sempiterni ignis nutrimentum.

§. Cur verò sine grauioris culpæ macula debeant
 esse Presbyteri, prægnantes causas affert S. Augustin.
 serm. 37. ad fratres Eremiti, inquiens, O Sacerdotes, si anima
 cuiuslibet iusti sedes est Dei, Sap. 7. v. 27. multo magis sedes, &
 templum Dei vos esse debetis mundum & immaculatum. 1. Co-
 rinth. 3. v. 16. & cap. 6. vers. 19. Si sepulchrum eius gloriosum
 est. Isa. 11. v. 10. in quo corpus eius iacuit exanime, gloriosiora
 & digniora esse debent corpora vestra, quæ, qui à mortuis susci-
 tatus est, quotidie inhabitare dignatur. Si beatus est venter, qui
 nouem mensib. Christū portauit Luc. 11. v. 27. & beata debent
 esse corda vestra, in quib. sibi hospitium quotidie eligit filius Dei.
 Si beata vbera, quæ paruulus suxit Luc. 11. v. 27. ita debet esse
 os beatum, quod carnem eius sumit, & sanguinem sugit. Car-
 nes ergo vestras cum timore eius configite, Psal. 118. v. 120. &
 vobis diligenter prouidete; ne lingua loquendo, quæ vocat de cœ-
 lo filium Dei, contra Dominum loquatur: & ne manus, quæ in-
 tinguntur sanguine Christi, polluantur sanguine peccati. Isa. 1.
 v. 15.

CAP.